

177639

PRODROMVS
SERENISSmi ET POTENTISSmi
SIGISMVNDI
III POLONIARVM

ET SVECIAE REGIS MAGNI DV-
cis Lithuaniae &c. Amplissimarum Terrarū
Moschouiae Triumphatoris Felicissimi,
de capta arce Smolenscensi.

13. Iunij Anno. 1611.



CALISSII,
In Officina Alberti Gedelij, Anno Dñi,
1611.

Zbiór # Bukowskiego 1659.

AD LECTOREM:

CUm tarda volitat fama quòd Prodrumus iste
Pegasei nec iter conficit instar equi;
Miraris? Via longa fuit. Sed tempore paruo
Fama, nouis, orbem nonnè replere solet?
Trita via, haud sonipes remoratus Prodromon. Esto.
Certa noua vt posset dicere, tardus erat.

ALIVD.

ÆMulus aduersus Famæ, veri inscius autor,
In vulgus Rumor plurima falsa dedit.
Mænia Smolensko nondum celsisse furori
Martis SISMVNDI, nec subiisse iugum!
Concrepat en pleno cornu prænuntia veri
Fama; & Rumoris vox stata, VICIT, ait.



177639
Lb

S Molenscum inter vrbes Moscho: Imperiū
 singulare defensionis præfidiū à primo pacti
 fæderis auspicio, cum Magno Ducatu Li-
 tuania, ac totū Seueriense territoriū à Re-
 gibus Poloniæ vectigalium iure censeban-
 sur, quoad nefarii proditoris leuiter offensi fraude
 & dolo violati Sacramenti proditum, & nonagnita an-
 norum decursu Magni Moschorum Principis, traditū
 imperio. Ad eius recuperationem in Polonia regnatu-
 ri sacramento adigebantur, vtq; in eam cogitationem
 ferio incumbere Senatus, & Procerum consiliis, per-
 petuo sollicitabantur. Verumenimvero cū arma Po-
 lonorum per id tempus quā foris, quā domi, fessa ani-
 mos volentium distinerent; rei bene gerendę Sigis-
 mundo eius nominis Tertio, pro maximi animi Prin-
 cipi, occasionem & campum liberrimum præbuit, ius
 gentium, & ius hospitii violatū: Tum impostoris qui
 se Magnum Ducem hæreditario successu venditabat,
 effrænata audacia: & præsens, si barbari moram præuer-
 tissent, Reipub. periculum; Deniq; incolarū non ob-
 scura animorum propensio, & vindicandæ desiderium
 libertatis. Postquam expeditione decreta oppugnatio
 in biennium ferme, siue Regis clementia, siue illius gē-
 tis astu

tis astu & pertinacia extraheretur, cum nec disiectorū
murorum rûine, nec frequens inclusorum, contagione
sæuiente mors, nec Castellorum deditorum in dies ad-
crescens multitudo, deniq; fusa, fugataq; auxilia, quæ
præsidio salutis esse debuerāt; captiui Duces apud per-
tinaces, & desperatione obstinatos animos quidquam
momenti habuissent; in castris verò cōmeatus difficul-
tate itinerum adducta inopia, & protracta stipendia li-
cet periculoso labore premerent, & sola in Patriam ac
Reges germana fides, & qua nullus maior fructus glo-
riæ cupido detinerēt; Rex celeritate magis, quàm pro-
crastinatione vtendum ratus, peritissimo stratagemat-
um, & artis militaris Iacobo Potocio qui copiarum
Poloni exercitus regimen habuit, curam maturandi ne-
gotii mandat, vt dirutis murorū propugnaculis, quæ
Kozakorum castra respiciebant, hostem munitionibus
restaurandis, diurno nocturnoq; opere fatigatum, illi
maximè loco attentum, affigerent. Cōpertis omnibus
in promptu, quæ insultui non frustra faciendo subser-
uirent, nocte concubia Præfectos, & militem ad nutū
esse iubet, castris sensim produci machinas, expediri
demolitioni præpropere necessarias. Quadripartito
exercitu oppugnationem aggrediuntur: ab vna parte
Potociani stipendiari equites strenui, & non paucis
exercitibus bellis, ascito in partem periculi, & bonæ spei,
Optimatum quorundam Polonorum subsidario pedi-
te, ad

te, admotis scasis, Duce primordia insultus auspicate,
qui viam ferro patefacientes, muros feliciter occupat.
Altera ex parte duce Martino Waiero Germani milites
aperto mortis discrimine, scalarum itidem adminiculo,
ad summitates muri pertinaci animo nituntur. Non
defuit, distracto licet hosti, mira in defendendo celeritas
& promptitudo. Nam multa vi & impressione facta
nostros propellant, adhibita etiam meliercularum
quæ feruenti pice succedentium capita perfunderet, opera.
Sed dum quæ se nostri ingerant attenti, cetera vero
negligunt Moschi, Dorostaiicius M. Ducatus Lit.
Mareschalus & Albertus Nowodworski Polonus Eques
Militenfis, cum Regiis praesidiariis, suorum etiam
equitum adhibito auxilio, silenti agmine currunt, ad
canalem exonerandæ aquæ accomodatum, per amplum
quidem, sed cratibus ferreis impeditum. Hoc in loco
magnam vim pulueris intrati per artem dispositam, subiciunt,
cuius impulsu ingenti, fragore terribili agmina
dissiliunt, spatium introitus triginta cubitos latum
pandunt, quo repente miles Ductorum vestigiis inuolat,
signa explicans, proxima quæquæ occupat. Porro
dum ita tribus in locis res strenuè & ex voto agitur, Fel-
linensis praesidii Praefectus, adductis manipuli sui militibus,
cum certa peditum manu, ad foramen multo ante
excussum quod castrorum nostrorum firum respicit,
& quo hostis summa quæquæ ad defendendum contulerat,

A 3

lerat, facit impetum, indeq; admirabili facilitate propugnatores depellit. Consternatus hic Moschus, & inopinata vndiq; irruptione percussus, acie victoribus turpiter cedit. Atrox interea oritur cædes, occumbunt plurimi, & aream, ut quisque in fugam effusus ceciderat, cadaueribus cooperiunt; reliqui latebrarum beneficio frustra se committunt. Pedites etenim concursu ad ianuas domiciliorum facto illas diruunt, abdita explorant, omni spe vitæ præcisa ad mortem cogunt. Nullus clementiæ locus, aut deprecationi reliquus fuerat, si fæmineum sexum, & masculos tenera adhuc ætate exceperis. Korzak Palatini minoris factus officio in vinculis adducitur. Præterea Metropolita ex Sacrarum ædium penetralibus, amictus Pontificali splendida & preciosa, ut litaturo mos erat, veste in omnium oculis sistitur, saucius tamen ex vulnere à quopiam gregario importunè feruente. Sein verò qui se in munitissimum propugnaculum abdiderat, cum nonnullis equestri ordinis hominibus, licet primis rumoribus pulvere tormentario interiisse diceretur, inuentus, supplexq; Regiæ M. accidit. Seruatur incolumis, ut quantum cuiq; loco apparatu bellico sit prouisum, suo tempore documento esse possit. Porro cum ad Monasterium procederent, agmen nostrum vnius decrepitæ anus, quæ in cuniculis dispositum puluerem ad discerpendum succedentem militem, latere intimauerat, saluatum.

Pauci

Pauci eo prelio ex nostris desiderati, non amplius quid-
decim, ceteris illustrior Gorecki Centurio. Hostes
quà ferro, quà flamma absumpti plurimi. Obrutus qui-
dam ruderibus ex ædituis Monasterii, octodecim die-
bus sine cibo & potu superuixit, aliis omnibus enectis,
qui simul ac erutus est, & illo periculo liberatus, statim
vitam cum morte commutauit. Contigit & illud non
minus mirabile quod cuius veritatem, si dictorum fi-
dem suspectam habeat, persuadere poterit. Vigesima
sexta Iunii cum Rex illustraturus arcem venisset, examē
apum eum subsecutum est, quod inclusum alueari ha-
riolorum coniectura spondet perpetuæ pacis, stabili-
tatem. Ita demum supplicationes publicę per Illmū &
Reuemū D. Albertū Baranowski Archiepiscopū Gne-
sneñ. decrete; cum toto expeditionis tēpore maximè
feruerent, Diuina bonitas omnia in melius, temporis
etiam interposita mora transferendo; arcem, muro cu-
bitos nouē lato, triginta octo fortissimis turribus fir-
matam, amplius ducentis machinis bellicis, ingenti
globorum, ac pulueris tormentarii copia, octo insu-
per propugnatorum millibus, & commeatu plurimo
munitam, Regis pietati, prudentiæ, & inuictę constan-
tiæ, fortitudini militum ad Patriæ & nominis Po-
loni decus sempiternum, obtulit
recuperandam.

101

